

UM 28.1.2015 26

# Penuntut FKJ bersih pantai Tanjung Aru

**KOTA KINABALU 27 Jan.** - Seramai 40 penuntut Fakulti Kejuruteraan (FKJ), Universiti Malaysia Sabah (UMS) bekerjasama dengan pihak Shangri-La Tanjung Aru Beach Resort & Spa bagi membersihkan kawasan pantai berdekatan resort tersebut baru-baru ini.

Menurut Timbalan Dekan Hal Ehwal Pelajar dan Alumni FKJ, Prof. Madya Dr. Nurmin Bolong, tujuan utama aktiviti itu adalah untuk melibatkan diri dengan ko-

muniti setempat di samping memastikan perlindungan marin dan kawasan sekitar.

“Dengan memastikan perlindungan marin dan kawasan sekitar, kita dapat mengurangkan pencemaran di kawasan pantai serta memastikan kawasan itu sentiasa bersih dan selamat untuk aktiviti rekreasi orang ramai,” katanya.

Sementara itu, Pengarah Jaminan Kualiti dan Tanggung-

jawab Korporat Sosial Shangri-La Tanjung Aru Beach Resort & Spa, Tulip Noorazyze berkata, dengan kerjasama yang baik antara kedua-dua pihak, aktiviti tersebut dapat dijalankan dengan lancar.

Sabah merupakan negeri yang menerima bilangan pelancong tertinggi setiap tahun dan Pantai Tanjung Aru adalah salah satu tempat menarik yang sering dikunjungi oleh pelancong dari dalam serta luar negara.